



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Caput X. Idem Ubaldo (a) Ostiensi Episcopo, & Archiepiscopo & Canonici
Velletran.

[urn:nbn:de:hbz:466:1-74526](https://nbn-resolving.de/urn:nbn:de:hbz:466:1-74526)

C A P U T I X.

Idem (a) *Vigiliensi Episcopo.*

Quia nos tua duxit prudentia consulendos, utrum clerici de mobilibus, vel immobilibus possint condere testamentum, consultationi tuis taliter respondamus, quod licet de his, quae paternae successionis, vel cognationis intuitu, aut de artificio sunt adepti, seu dono consanguineorum, aut amicorum suorum, non habito respectu ad Ecclesiam, pervenerit ad ipsos, liberè disponere valent; de his tamen, quae consideratione Ecclesiae sua perceperunt, nullum de jure possunt facere testamentum.

N O T A E.

(a) *Vigiliensi.*] Ita etiam legitur in prima collectione, sub hoc tit. cap. 6. & post Concilium Lateran. p. 29. cap. 5. Vigilia urbs est Episcopatus dedi supra in cap. cum in officiis 7.

C A P U T X.

Idem *Ubaldo (a) Ostiensi Episcopo, & Archiepiscopo & Canonicis Velletran.*

Cum esses, fratres Episcopi, in nostra praesentia constitutus, diligentem nobis narracione proposuisti, talem in tuo Episcopatu consuetudinem inolevisse, quod testamenta quae sunt in ultima voluntate ab iis, qui potestatem habent super alios, penitus rescinduntur, nisi cum subscriptione VII. aut V. testium sicut secundum quod humanae leges decernunt. Quia vero a (b) divina lege, & Sanctorum Patrum statutis, & a generali Ecclesia consuetudine id esse noscitur alienum, cum scriptum sit: In ore duorum, vel trium testium stat omne verbum; praescriptam consuetudinem penitus improbamus, & testamento, quae parochiani vestri coram Presbytero suo, & tribus, vel duobus aliis idoneis personis in extrema voluntate de cetero fecerint, firma decernimus permanere, & robur obtinere perpetua firmitatis, sub intermissione anathematis prohibentes, ne quis presumptione qualibet hujusmodi audiat rescindere testamento.

N O T A E.

(a) *Ostiensi.*] In prima collectione, sub hoc tit. capite 9, ita legitur: Idem Hubaldo Hostiensi Episcopo, & Archiepiscopo & Canonicis Velletran posit Concilium vero Lateran, in appendice, part. 5. capite 20. ita habetur: Idem Hubaldo Episcopo Hostiensi, & Archipresb. & canonicis Velletran, sed ubique male; legendum enim est: Idem Humbaldus Hostiensis Episcopo, Archipresbiter, & Canonicis Velletrensis; quae correctio faciliter suadetur ex eo; nam temporibus Alexandri III. Humbaldus in rebus gerendis vir solertissimus regebat Ecclesiam Hostiensem, & Cardinalis creatus Legatus missus fuit in Angliam ad causam D. Thomae Cantuar, ut referit Baronius tom. 12. anno 1167. & 1168. & tandem defuncto Alexandre III. Kalend. Septembbris, anno 1181. ejus successor fuit, dictusque Lucius III. ut referit Baronius ubi supra, Ughellius tom. 1. Italia sacra, fol. 82, numero 41. Ludovicus à San. D. Gogzal, in Decretal. Tom. III. Pars I.

Etio Carolo in Biblioth. Pontific. in Lucio III. & ita Humbaldo, non Hubaldo, legendum est: deinde non Archiepiscopo, sed Archipresbiter, legendum credo; quia Ecclesia Velletrensis nunquam fuit Metropolis, sed tantum Cathedra Episcopali decorata; & scribitur tantum, Archipresbiter & canonicis, quia jam a temporibus Eugenii III. per annum 1153. unita erat Velletrensis Ecclesia cum Hostieni, ut referunt Baronius dicto anno 1153. Ughellius dicto tom. 1. Italia, fol. 58. qui Humbaldum, de quo in praesenti, refert inter Episcopos Hostienenses, simul & Velletrenses. De Hostieni Ecclesia nonnulla notari in capite 3. de pastore Prelat.

(b) *Divina lege.*] Non quia adsit aliquod praeceptum divinum circa numerum testium, sed ut duo tantum, aut tres adhibeantur, ut probavi in capite licet 23. de testibus. Nec Alexander in praesenti leges humanas maiorem numerum testium in testamentis, & aliis similibus actibus desiderantes, quae apud omnes

Sf. ferè

ferè gentes observantur, esse juri divino contrarias docet; tantum enim Alexander hic intendit improbare consuetudinem illam, quæ in Vellitrensi diœcesi Romana Ecclesiæ in temporalibus subjecta (ubi jus canonicum principaliter erat observandum) adversus generales regulas sacerorum canonum erat introducta; illa enim verba à *divina lege*, profert Alexander III, quasi dicat, ideo consuetudinem, de qua in præsenti, non esse observandam; quia erat aliena à lege divina per SS. PP. statuta, & generalē Ecclesiæ consuetudinem receptam; non verò quia esset contra præceptum

divinum introducta: docuit Cæsar *de Eccles. Hierarch.* diff. mar. I. §. 4. num. 11. licet enim iuxta jus naturale divinum sufficiens sit ad probationem duorum, vel trium testimoniorum; non tamen jus divinum stabilire intendit, tanquam necessariò certum, nec ita ut censeat plures non posse requiri in nonnullis causis. Quare nisi hominum malitia nimium excresceret, duorum vel trium abundaret testimonium; sed postquam labefactari cœpì humana fides, receperunt fuit, ejusdem legis naturæ suggestione, ut testimonia firmiora requirantur. Sotus libro 5. de justitia, q. 7. art. 3.

C A P U T XI.

Idem *Judicibus (a) Vellitr.*

Relatum est auribus nostris, quod cùm ad vestra discussionis examen aliqua super testamentis relictis Ecclesiæ causa deducitur, vos secundum humanam, & non secundum divinam legem in ea vultis procedere & nisi vii. aut v. idonei testes produci fuerint, omnino postponitis exinde judicare. Unde quia hujusmodi causa de judicio Ecclesiæ, non secundum leges, sed secundum canones debet tractari, & his, divinâ Scripturâ testante, duo, aut tres idonei testes sufficiunt: discr. v. p. A. l. p. m. quat. cùm aliqua causa super testamentis Ecclesiæ relictis ad vestrum fuerit examen deducta, eam non secundum leges, sed secundum decretorum statuta tractetis, & tribus, aut duobus legitimis testibus requisitis; quoniam scriptum est: In ore duorum, vel trium testium stat omne verbum.

N O T A E.

(a) **V**ellitr.] Vellitra perantiquum, ac nobis Volscorum oppidum, fuit Romano-rum colonia, ut refert Livius his verbis: *Velliras coloni ab urbe misi, & colonia deduxi à Virginio, & Vettvio Consulibus, anno ab urbe condita 270.* Jam primis Ecclesiæ temporibus fidem Catholicam ibi fundavit Epaphrodius, unus ex 72 discipulis Domini. Tam quoad temporalia, quam spiritualia paret proprio Episcopo, qui ex concessione Summi Pontificis ibi exercet mixtum, & merum imperium. Jam à tempore Eugenii III. unita fuit hæc Cathedra Episcopalis cum Hostieni, ut refert Ughellius tom. I. Italia sacre, fol. 58. Unde in præsenti Alexander re-scribit in negotio temporali judicibus Vellitrensis.

C O M M E N T A R I U M.

Ex his duabus decisionibus sequens deducitur disputanda assertio: *Testamentum factum coram parocho, & duobus testibus, valet, non obstante contraria consuetudine.* Non est similis decisio, quam probari possit hæc conclusio; eam tamen illustrant ultra congettus in præsenti à Barbosa & Garaña, Fachineus libro 5. controv. capite 47. Osvaldus libro 6. Donelli, capite 7. littera F. Petrus Gregorius libro 3. partit. titul. 22. capite 5. Magdalenus de numero testium in testam. 2. part. quest. 1. Cujacius in præsenti, Escobar de utroque foro, articul. 2. §. 2. Wicembachius disputat. 17.

num. 8. Pichardus & alii Institutarii in §. secundum paulatim, Institut. de testam. Meyrerus de testamentis libro 4. titul. 6. Richierius in anthesis hæc consutisima, C. de testam. Duarenus ad tit. de testam. capite 5. Bayo in praxi, 2. part. quest. 2. Gibalinus de negot. tom. 2. libro 5. capite 7. articul. 2. Borellus tom. 2. decij. titul. 5. numero 4. Costa in capite si pater, verbo *In suo*, num. 9. de testam. lib. 6.

Sed hæc assertio difficulter redditur sequenti juris consideratione; nam inter alias solenni-^{impugna-} testamenti desiderantur, præcipua est, ut se-^{per tradit.} ptem testes in eo interveniant, l. si unus 12. l. hac, C. hoc titul. l. cùm tabula 7. ff. de bono, possesso, secundum tabulas, l. 2. C. eodem titul. l. 3 ff. si tabula testamenti, §. sed cùm pan-^{ta assertio} latim, Institut. hoc titul. quorum præsenta desideratur, ut ita voluntates testantium si-ne ulla captione serventur, ut ait Constantinus in l. 1. C. Theodos. hoc titul. Ergo coram presbytero, & duobus testibus testamentum factum nullum est. Augetur hæc difficultas ex eo, nam in præsenti casu non solum hæc juris communis dispositio urgebat, ve-rum & consuetudo illi conformis, juxta quam non alter testamentum valebat, quam si factum esset coram septem testibus; præcipue cum circa numerum testium in testamentis adhibendorum consuetudo attendatur, l. final. C. de testamentis: textus singularis in capite 2. de consuetudine: docet Burgos de Paz in l. 3. Tau-ri, conclus. 4. numero 535. Igitur juxta talēm consuetudinem testamentum factum absque legitimo testium numero, nullo erat. Deinde